

四庫全書薈要

• 乾隆御覽本

史部

欽定四庫全書薈要卷三千五百九十

史部

史記卷十二

漢 太 史 令司馬遷 撰

宋中郎 外兵曹參軍裴 駉集解

唐國子博士弘文館學士司馬貞索隱

唐諸王侍讀率府長史張守節正義

孝武本紀第十二

集解駉案太史公自序曰作今上本紀其述事皆云今上今天子或言孝武帝者悉後人

所定也張晏曰武紀褚先生補作也先生名少孫漢博士索隱褚先生補史記合集武帝事以編年今止取封禪書補之信其才之薄也張晏云褚先生潁川人仕元成間韋稜云褚顗家傳褚少孫梁相褚大弟之孫宣帝時為博士寓居沛事大儒王式故號先生續太史公書阮孝緒亦以為然

孝武皇帝者

集解駢案漢書音義曰諱徹正義謚法云克定禍亂曰武孝景中子

也

索隱按景十三王傳廣川王以上皆是武帝兄自河間王德以至廣川凡有八人則帝第九也母

曰王太后孝景四年以皇子為膠東王孝景七年栗

太子廢為臨江王以膠東王為太子孝景十六年崩

太子即位為孝武皇帝

集解張晏曰武帝以景帝元年生七歲為太子為太子十

歲而景帝崩時年十六矣

孝武皇帝初即位尤敬鬼神之祀元年

漢興已六十餘歲矣

集解徐廣曰六十七年歲在辛丑

天下又安薦

紳之屬

索隱薦音搢搢挺也言挺笏於紳帶之間事出禮內則今作薦者古字假借爾漢書作縉

紳

皆望天子封禪改正度也而上鄉儒術招賢良趙

綰王臧等以文學為公卿欲議古立明堂城南以朝

諸侯

索隱城南長安城南門外也關中記云明堂在長安城門外杜門之西

草廵狩封

禪改歷服色事未就會竇太后治黃老言不好儒術

使人微伺得趙綰等姦利事

集解徐廣曰
織微伺察之

召案綰臧

綰臧自殺

正義漢書孝武二年御史大夫趙綰坐請
無奏事太皇太后及郎中令王臧皆下獄

自殺應劭曰王臧儒者欲立明堂辟雍太后素好黃
老術非薄六經因欲絕奏事太后太后怒故令自殺

諸所興為者皆廢後六年竇太后崩其明年上徵文

學之士公孫宏等明年上初至雍郊見五時

正義時
音止括

地志云漢五帝時在岐州雍縣南孟康云時者神靈
之所止按五時者廊時密時吳陽時北時先是秦文
公作廊時祭白帝秦宣公作密時祭青帝秦靈公作
吳陽上時祭黃帝下時祭赤帝漢高祖作北時祭黑
帝是五
時也
後常三歲一郊是時上求神君舍之上林中

蹠氏觀

集解徐廣曰蹠音啼索隱鄒誕生音斯觀名也

神君者長陵女子以

子死悲哀故見神於先後宛若

集解孟康曰產乳而死兄弟妻相謂先後

宛若字索隱鄒誕生音先後並去聲即今妯娌也韋昭云先妣後娣宛音完

宛若祠之其

室民多往祠平原君往祠

集解徐廣曰武帝外祖母也駟案蔡邕曰異姓婦人

以恩澤封者曰君儀比長公主索隱徐云武帝外祖母則是臧兒也

其後子孫以尊顯

及武帝即位則厚禮置祠之內中聞其言不見其人

云是時而李少君亦以祠竈穀道卻老方見上

集解李奇

曰食穀道引或曰辟穀不食之道索隱如淳云祠竈可以致福按禮竈者老婦之祭盛於盆尊於瓶說文

周禮以竈祠祝融淮南子炎帝作火官死為今之竈神司馬彪注莊子云浩竈神也如美女衣赤李宏範

音誥上尊之少君者故深澤侯集解徐廣曰趙景帝時絕封姓入以主

方集解徐廣曰進納於天子而主方一云侯人主方駟按如淳曰侯家人主方藥者也匿其年

及所生長常自謂七十能使物卻老集解如淳曰物鬼物也瓚曰物

藥物也其游以方徧諸侯無妻子人聞其能使物及不

死更饋遺之常餘金錢帛衣食人皆以為不治產業

而饒給又不知其所人愈信爭事之少君資好方

善為巧發奇中集解如淳曰時時發言有所中也嘗從武安侯飲索隱

服虔云田蚡也韋昭云武安屬魏郡

坐中有年九十餘老人少君乃言

與其大父游射處老人為兒時從其大父行識其處

一坐盡驚少君見上上有故銅器問少君少君曰此

器齊桓公十年陳於栢寢

集解服虔曰地名有臺也
瓚曰晏子書栢寢臺名也

正義括地志云栢寢臺在青州千乘縣東北二十里韓子云景公與晏子遊於少海登栢寢之臺而望其國公曰美哉堂乎後代孰將有此晏子曰其田氏乎公曰寡人有國而田氏家奈何對曰奪之則近賢遠不肖治其煩亂輕其刑罰助窮乏恤孤寡行恩惠崇節儉雖十田氏其如堂何即此也已而案

其刻果齊桓公器一宮盡駭以少君為神數百歲人

也少君言於上曰祠竈則致物致物而丹砂可化為黃金黃金成以為飲食器則益壽益壽而海中蓬萊僊者可見見之以封禪則不死黃帝是也臣嘗游海上見安期生

索隱服虔云古之真人

食巨棗大如瓜安期生僊

者通蓬萊中合則見人不合則隱於是天子始親祠竈而遣方士入海求蓬萊安期生之屬而事化丹砂諸藥齊為黃金矣

索隱齊音分劑之劑

居久之李少君病死天

子以為化去不死也而使黃鍾

集解韋昭曰人姓名正義音直偽反史

寬舒受其方

集解駢案漢書音義曰二人皆方士

求蓬萊安期生莫能

得而海上燕齊怪迂之方士多相效更言神事矣毫

人薄誘忌

集解徐廣曰一云毫人謬忌也索隱毫山陽縣名姓謬名忌居毫故下稱薄忌此文

則衍薄字而謬又誤作誘也

奏祠泰一方曰天神貴者泰一

索隱按樂

汁微圖云紫微宮北極天一泰一宋均以為天一泰一北極之別名春秋緯云紫極之別名又名紫宮天

皇曜魄寶

泰一佐曰五帝

正義五帝五天帝也春秋緯云蒼帝靈威仰赤帝赤

燥怒白帝白招拒黑帝叶光紀黃帝含樞紐尚書帝命驗云蒼帝名靈威仰赤帝名文祖黃帝名神斗白

帝名顯紀黑帝名玄矩佐者謂配祭也

古者天子以春秋祭泰一東南

郊用太牢具七日

集解徐廣曰一云日一太牢具七日

為壇開八通之

鬼道於是天子令太祝立其祠長安東南郊常奉祀

如忌方其後人有上書言古者天子三年一用太牢

具祠神三天一地一泰一天子許之令太祝領祠

之於忌泰一壇上如其方後人復有上書言古者天

子常以春秋解祠祠黃帝用一梟破鏡

集解孟康曰梟鳥名食母

破鏡獸名食父黃帝欲絕其類使百物祠皆用之破鏡如羆而虎眼或云直用破鏡如淳曰漢使東郡送

梟五月五日為梟羹以賜百官以惡鳥故食之

冥羊

集解服虔曰神名也

用羊祠馬行

正義用一青牡馬泰一臯山山君地長正義丁丈反

神名用牛武夷君

正義神名

用乾魚陰陽使者以一牛

集解駟案漢書

音義曰陰陽之神也

令祠官領之如其方而祠於忌泰一壇旁

其後天子苑有白鹿以其皮為幣

索隱按食貨志幣以白鹿皮方尺緣

以續以薦璧得以黃金一斤代之又

以發瑞應造白

金焉

正義白金三品武帝所鑄也

如淳曰雜鑄銀錫為白金以為天用

莫如龍地用莫如馬人用莫如龜故曰白金三品其一曰重八兩圓之其文龍名曰白選直三千二曰重

差小方之其文馬直五百三曰復小橢之其文龜直

三百錢譜云白金第一其形圓如錢肉好圓文為一

龍白銀第二其形方小長肉好亦小長好上下文為二馬白銀第三其形似龜肉好小是文為龜甲也

其明年郊雍獲一角獸若庶然

集解韋昭曰楚人謂麋為庶索隱庶音步

交反按韋昭云體若麋而一角春秋所謂有麋而角是也楚人謂麋為庶又周書王會云庶者若鹿爾雅云麋大鹿也牛尾一角郭璞云漢武獲一角獸若庶謂之麟是也有司曰陛下肅祇

郊祀上帝報享錫一角獸蓋麟云

正義漢書終軍傳云從上雍獲白麟

一角戴肉設武備而不為害所以為仁獸

於是以薦五時時加一牛以燎

正義力召反焚也

賜諸侯白金以風符應合于天地

集解晉灼曰符

瑞也瓚曰風示諸侯以此符瑞之應於是濟北王以為天子且封禪乃

上書獻泰山及其旁邑天子受之更以他縣償之常

山王有臯遷天子封其弟於真定以續先王祀而以

常山為郡然後五嶽皆在天子之郡其明年齊人少

翁

正義漢武故事云少翁年二百歲色如童子

以鬼神方見上上有所幸

王夫人

集解徐廣曰齊懷王閼之母也駟按桓譚新論云武帝有所愛幸姬王夫人窈窕好容質

性嫺佞正義漢書作李夫人

夫人卒少翁以方術蓋夜致王夫人

及竈鬼之貌云天子自帷中望見焉於是乃拜少翁

為文成將軍賞賜甚多以客禮禮之文成言曰上即

欲與神通宮室被服不象神神物不至乃作畫雲氣

車及各以勝日

集解駟案漢書音義曰如火勝金用丙與丁日不用庚辛

駕車辟

惡鬼又作甘泉宮中為臺室畫天地泰一諸神而置

祭具以致天神居歲餘其方益衰神不至乃為帛書

以飯牛

正義飯房晚反書絹帛上為怪言語以飼牛

詳弗知也言此牛腹

中有奇殺而視之得書書言甚怪天子疑之有識其

手書問之人果偽書於是誅文成將軍

正義漢書故事云文成誅

月餘日使者籍貨關東還逢之於漕亭還見言之上乃疑發其棺無所見唯有竹筒一枚捕驗間無蹤跡

也而隱之其後則又作栢梁銅柱承露僊人掌之屬

矣

集解蘇林曰僊人以手掌檠盤承甘露也索隱服虔云用梁百頭按今字皆作栢三輔故事云臺高

二十丈用香栢為殿梁香聞十里中建章宮承露盤高三十丈大七圍以銅為之有僊人掌承露和玉屑飲之故張衡賦曰立脩莖之僊掌承雲表之清露是也文成死明年天子病鼎

湖甚

集解晉灼曰在湖縣韋昭曰地名近宜春索隱湖縣名屬京兆後屬弘農昔黃帝採首陽山銅

鑄鼎於湖曰鼎湖即今之湖城巫醫無所不致至不

縣也

韋昭以為近宜春亦甚疎

愈游水發根

集解服虔曰游水縣名發根人姓名晉灼曰地理志游水水名在臨淮淮浦也

索隱顏師古以游水姓發根名乃言曰上郡有巫病

蓋或因水為姓或曰發樹根也

而鬼下之上召置祠之甘泉及病使人問神君

集解
韋昭

曰即病
巫之神

神君言曰天子毋憂病病少愈強與我會甘

泉於是病愈遂幸甘泉病良已

集解孟康曰良已蓋已愈也

大赦

天下置壽宮神君

集解服虔曰立此便宮也瓚曰宮奉神之宮也楚辭曰蹇將澹兮壽

宮神君最貴者大夫其佐曰大禁司命之屬皆從之

非可得見聞其音與人言等時去時來來則風肅然

也居室帷中時晝言然常以夜天子被然後入

集解
駉案

漢書音義曰崇潔
自被除然後入

因巫為主人關飲食所欲者言行

下集解李奇曰神所欲言上輒為下之

又置壽宮北宮

正義括地志云壽宮北宮皆在

雍州長安縣西北三十里長安故城中漢書云武帝壽宮以處神君

張羽旗設供具以

禮神君神君所言上使人受書其言命之曰書法

集解

駟案漢書音義曰或云策書之法也正義書音畫按畫一之法

其所語世俗之所知

也毋絕殊者而天子獨喜其事祕世莫知也其後三

年有司言元宜以天瑞命不宜以一二數

集解蘇林曰得黃龍

鳳皇諸瑞以名年正義孝景以前即位以一二數一年至其終武帝即位初有年號改元以建元為始一

元曰建元二元以長星曰元光三元以郊得一角獸

曰元狩云

集解徐廣曰按諸紀元光後有元朔元朔後得元狩

其明年冬天子

郊雍議曰今上帝朕親郊而后土毋祀則禮不答也

有司與太史公

集解韋昭曰說者以談為太史公失之矣史記稱遷為太史公者是外孫

楊惲所稱索隱姚察按司馬遷傳亦以談為太史公非惲所加又按虞喜志林云古者主天官皆上公自周至漢其職轉卑然朝會坐位猶居公上尊天之道其官屬仍以舊名尊而稱公公名當起於此故如淳云太史公位在丞相上天下郡國計書先上太史公副上丞相其義是也而桓譚新論以為太史公造書成示東方朔朔為平定因署其下太史公者皆東方朔所加之也楊惲繼此而稱爾

祠官寬

舒等議天地牲角繭栗今陛下親祀后土后土宜於

澤中國丘為五壇壇一黃犢太牢具已祠盡瘞而從

祠衣上黃於是天子遂東始立后土祠汾陰脽上

集解

徐廣曰元鼎四年時也駟按蘇林曰脽音誰如淳曰河之東岸持堆堀長四五里廣二里餘高十餘丈汾陰縣在脽之上后土祠在縣西汾在脽之北西流與河合也索隱漢書舊儀作葵上者蓋河東人呼誰與葵同故爾如寬舒等議上親望拜如上帝禮禮畢天子遂

至滎陽而還過洛陽下詔曰三代邈絕遠矣難存其以三十里地封周後為周子南君以奉先王祀焉是

歲天子始巡郡縣侵尋於泰山矣

索隱侵尋即浸淫也故晉灼云遂往

之意也小顏云侵淫漸染之義蓋尋淫聲相近假借用爾師古叔父游秦亦解漢書故稱師古為小顏也

其春樂成侯

集解徐廣曰姓丁名義後與藥大俱誅也索隱韋昭云河間縣按郊祀志樂成

侯登而徐廣據表云姓丁名義未詳爾

上書言藥大藥大膠東宮人

集解

服虔曰王家人

故嘗與文成將軍同師已而為膠東王尚方

而樂成侯姊為康王后

集解孟康曰膠東王后也

母子康王死他

姬子立為王而康后有淫行與王不相中得相危以

法康后聞文成已死而欲自媚於上乃遣藥大因樂

成侯求見言方天子既誅文成後悔恨其早死惜其

方不盡及見藥大大悅大為人長美言多方略而敢
為大言處之不疑大言曰臣嘗往來海中見安期羨
門之屬

索隱韋昭云羨門古仙人應劭曰名子高

顧以為臣賤不信臣又

以為康王諸侯爾不足予方臣數言康王康王又不
用臣臣之師曰黃金可成而河決可塞不死之藥可
得僊人可致也臣恐效文成則方士皆掩口惡敢言
方哉上曰文成食馬肝死爾子誠能修其方我何愛
乎大曰臣師非有求人人主求之陛下必欲致之則

貴其使者令為親屬以客禮待之勿卑使各佩其信
印乃可使通言於神人神人尚肯邪不邪致尊其使
然後可致也於是上使先驗小方鬪旗旗自相觸擊

正義音其又本或作碁說文云碁博碁也高誘注淮南子云取雞血與針磨擣之以和磁石用塗碁頭曝乾之置局上即相拒不止也是時上方憂河決而黃金不就正義鍊丹

砂鉛錫為黃金不就乃拜大為五利將軍居月餘得四金印佩

天士將軍地士將軍大通將軍天道將軍印制詔御

史昔禹疏九江決四瀆間者河溢臯陸隄繇不息正義

顏師古云臯水旁地也廣平曰陸言水大汎溢
自臯及陸而築作隄徃役甚多不暇休息也
朕臨

天下二十有八年天若遺朕士而大通焉

集解韋昭曰言藥大

能通天意故封樂通索乾稱蜚龍鴻漸于般

集解駉案漢書

音義曰般水涯堆也漸進也武帝云得藥大
如鴻進於般一舉千里得道若飛龍在天

意庶幾

與焉其以二千戶封地士將軍大為樂通侯

集解韋昭曰樂

通臨淮賜列侯甲第

集解駉案漢書音義曰有甲乙第次故曰第

僮千人

乘輿斤車馬帷帳器物以充其家

集解駉案漢書音義曰或云斤不用

也韋昭曰嘗在服御索隱孟康云斤不用之車馬是也

又以衛長公主妻之

集解

孟康曰衛太子妹如淳曰衛太子姊也蔡邕曰帝女曰公主公主儀比諸侯姊妹曰長公主儀比諸侯王

駟案此帝女也而齋金萬斤更名其邑曰當利公主云長公主未詳

集解地理志云天子親如五利之第使者存問所給

東萊有當利縣連屬於道自大主將相以下皆置酒其家獻遺之

集解

徐廣曰太主武帝姑也駟按韋昭曰竇太后之女也於是天子又刻玉印曰天

道將軍使使衣羽衣夜立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜祠其家欲以下神神未

至而百鬼集矣然頗能使之其後治裝行東入海求

其師云大見數月佩六印貴振天下而海上燕齊之

間莫不搯腕而自言有禁方能神僊矣

集解服虔曰滿手曰搯瓊

曰搯執持也

其夏六月中汾陰巫錦

集解應劭曰錦巫名

為民祠魏

雒后土營旁

集解應劭曰魏故魏國也雒若丘之類

見地如鉤狀掎視

得鼎

索隱說文掎把也音步溝反

鼎大異於衆鼎文鏤無款識

集解

韋昭曰款刻也索隱識猶表識

怪之言吏吏告河東太守勝勝以聞

天子使使驗問巫錦得鼎無姦詐乃以禮祠迎鼎至

甘泉從行上薦之

集解如淳曰以鼎從行上至中山至甘泉將薦之於天也

集解徐廣曰河渠書鑿涇水自中山西索隱此山在

馮翊谷口縣西近九畋山土人呼為中山河渠書韓

使水工鄭國說秦鑿涇

集解如淳曰三輔謂日

水自中山西即此山也

晏溫

出清濟為晏晏而溫也

索隱許慎注淮南云晏無雲也

有黃雲蓋焉有廬過上自射之因以

祭云至長安

集解徐廣曰上言從行薦之或曰祭鼎也公卿大夫皆議請

尊寶鼎天子曰間者河溢歲數不登故巡祭后土所

為百姓育穀今年豐廩未有報鼎曷為出哉有司皆

曰聞昔太帝興神鼎一

索隱師古以太帝為太昊伏羲氏以文在黃帝之前故也

一者一統天地萬物所繫終也黃帝作寶鼎三象天

地人也禹收九牧之金鑄九鼎皆嘗飭烹

集解徐廣曰烹煮也

飭音觴皆嘗以烹牲牢而祭祀也索隱言鼎以烹牲而饗嘗也觴字又作觴音殤漢書郊祀志云鼎空足

曰鬲以象三德鬲音歷謂足中不實者名之也

上帝鬼神

集解服虔曰以祭祀上帝或曰嘗烹

也遭聖則興

正義遭逢也鼎雖淪泗水逢聖興起故出汾陰西至甘泉也

遷于夏

商周德衰宋之社亡

正義社主民也社以石為之宋社即亳社也周武王伐紂乃立

亳社以為監戒覆上棧下使通天地陰陽之氣周禮衰國將危民故宋之社為亡殷復也鼎乃淪

伏而不見頌云自堂徂基

正義此以下至胡考之休是周頌絲衣之詩自堂從

內往外基門內塾也鄭玄云門側之堂謂之塾釋禮經使士升堂視壺濯及籩豆之屬降往於塾牲自羊徂牛充庖乃舉鼎自羊徂牛正義自堂往塾先視羊告潔禮之次也後及牛也毛萇云先小

後大

鼎鼎及鼐

集解韋昭曰爾雅云鼎絕大謂之鼐圖奄上謂之鼐

不虞不驚

胡考之休

索隱毛詩傳云吳詳也姚氏按何承天云此虞當為吳音洪霸反說文以吳一口大

言也此作虞者與吳聲相近故假借也或者本文借此虞為驩娛字也

今鼎至甘泉光

潤龍變承休無疆合茲中山有黃白雲降

集解韋昭曰與中山

所見黃雲之氣合也

蓋若獸為符

集解服虔曰雲若獸在車蓋也晉灼曰蓋辭也或曰符謂

瑞應也

路弓乘矢

集解韋昭曰路大也四矢為乘

集獲壇下報祠大饗

集解徐廣曰一云大報饗祠也

惟受命而帝者心知其意

集解服虔曰高祖受

命知之也宜見鼎於其廟

而合德焉鼎宜見於祖禰藏於帝廷以

合明應制曰可入海求蓬萊者

正義蓬萊方丈瀛洲勃海中三神山也

言蓬萊不遠而不能至者殆不見其氣上乃遣望氣

佐候其氣云其秋上幸雍且郊

索隱以雍地形高故云

或曰五

帝泰一之佐也宜立泰一而上親郊之上疑未定齊

人公孫卿曰今年得寶鼎其冬辛巳朔旦冬至與黃

帝時等卿有札書曰黃帝得寶鼎宛侯問於鬼臾區

集解駟案漢書音義曰區黃帝時人索隱鄭玄云黃帝佐也李奇曰黃帝時諸侯本作申區者非藝文志作鬼容區也區對曰黃帝得寶鼎神筴是歲己酉朔旦冬

至得天之紀終而復始於是黃帝迎日推筴後率二

十歲

正義率音律又音類又所律反三音並通後皆放此也

得朔旦冬至凡二

十推三百八十年黃帝僊登于天卿因所忠欲奏之

所忠視其書不經疑其妄書謝曰寶鼎事已決矣尚

何以為卿因嬖人奏之上大悅召問卿對曰受此書

申功

集解駟案封禪書功字作公

申功已死上曰申功何人也卿

曰申功齊人也與安期生通受黃帝言無書獨有此

鼎書曰漢興復當黃帝之時漢之聖者在高祖之孫

且曾孫也寶鼎出而與神通封禪封禪七十二王正義

河圖云王者封太山禪梁父易姓登崇有七十二君也唯黃帝得上泰山封申

功曰漢主亦當上封上封則能僊登天矣黃帝時萬

諸侯而神靈之封居七千集解應劭曰黃帝時諸侯會封禪者七千人李奇曰

說仙道得封者七千國張晏天下名山八而三在蠻

曰神靈之封謂山川之守

夷五在中國中國華山首山太室泰山東萊此五山

黃帝之所常遊與神會黃帝且戰且學僊患百姓非其道乃斷斬非鬼神者百餘歲然後得與神通黃帝郊雍上帝宿三月鬼吏區號大鴻死葬雍故鴻冢是

也

集解蘇林曰今雍有鴻冢

其後黃帝接萬靈明廷明廷者甘泉

也所謂寒門者谷口也

集解徐廣曰寒一作塞漢書音義曰黃帝仙於寒門也索

隱服虔云寒門黃帝所僊之處小顏云谷中山之谷口漢時為縣今呼為冶谷去甘泉八十里盛夏凜然

故曰

黃帝采首山銅鑄鼎於荆山下

集解晉灼曰地理志首山屬河

東蒲坂荆山在馮翊懷德縣

鼎既成有龍垂胡顙下迎黃帝

索隱顏師

古云胡謂領下垂肉也顓其毛也
故童謠曰何當為君鼓龍胡是也
黃帝上騎羣臣後

宮從上龍七千餘人龍乃上去餘小臣不得上乃悉
持龍顓龍顓拔墮黃帝之弓百姓仰望黃帝既上天

乃抱其弓與龍胡顓號故後世因名其處曰鼎湖正義

括地志云湖水源出虢州湖城縣南三十五里夸父山北流入河即鼎湖也
其弓曰烏號

於是天子曰嗟乎吾誠得如黃帝吾視去妻子如脫

躡耳乃拜卿為郎東使候神於太室上遂郊雍至隴

西西登空桐正義空桐山在平高縣西一百里
幸甘泉令祠官寬

舒等具泰一祠壇壇放薄忌泰一壇壇三垓

集解徐廣曰垓

次也駟按李奇曰垓重也三重壇也

五帝壇環居其

下各如其方黃帝西南除八通鬼道

集解服虔曰坤位在未黃帝從

土泰一所用如雍一時物而加醴棗脯之屬殺一犛

牛以為俎豆牢具而五帝獨有俎豆

集解韋昭曰無犛牛醴之屬

醴進

索隱師古云具俎豆酒醴而進之

其下四方地

為餽食

索隱餽音竹芮反謂連續而祭之漢志作服古字亦通說文曰餽祭醑也正義劉伯莊云

謂繞壇設諸神祭座相連綴也

羣神從者及北斗云已祠胙餘皆燎

之其牛色白鹿居其中彘在鹿中水而洎之

集解徐廣曰洎

音居器反肉汁也駟案晉灼曰此說合牲物燎之也正義劉伯莊云以太羹和祭食燎之按以鹿內牛中

以彘內鹿中水玄酒也

祭日以牛祭月以羊彘特

索隱特一牲也言若牛若

羊若彘止一特也

泰一祝宰則衣紫及繡五帝各如其色日

赤月白十一月辛巳朔旦冬至昧爽天子始郊拜泰

一朝朝日夕夕月

集解應劭曰天子春朝日秋夕月拜日東門之外朝日以朝夕月以

夕瓚曰漢儀郊泰一時皇帝平旦出竹宮東向揖日其夕西向揖月使用郊日不用春秋也

則揖

而見泰一如雍禮其贊饗曰天始以寶鼎神筴授皇

帝朔而又朔終而復始皇帝敬拜見焉而衣上黃其

祠列火滿壇旁壇旁烹炊具有司云祠上有光焉公

卿言皇帝始郊見泰一雲陽

正義括地志云漢雲陽宮在雍州雲陽縣北八

十一里有通天臺即黃帝以來祭天圜丘之處武帝以五月避暑八月乃還

有司奉瑄玉

集解孟康曰璧大六寸謂之瑄索隱瑄音宣

嘉牲薦饗

正義漢書儀曰祭天養牛五歲至二

千是夜有美光及晝黃氣上屬天太史公祠官寬舒

等曰神靈之休祐福兆祥宜因此地光域

集解徐廣曰地一作

夜

立泰畤壇以明應令太祝領祀及臘間祠三歲天

子一郊見其秋為伐南粵告祝泰一以牡

集解徐廣曰一作牝

荆畫旂

集解如淳曰荆之無子者皆以潔齊之道也晉灼曰牡荆節間不相當者韋昭曰以牡荆

為柄者也

日月北斗登龍以象天一三星為泰一鋒

集解徐廣

曰天官書曰天極星明者泰一常居也斗口三星曰天一駟按晉灼曰畫一星在後三星在前為太一鋒

也

名曰靈旗

正義李奇云畫旗樹泰一壇上名靈旗畫日月北斗登龍等

為兵禱

則太史奉以指所伐國

正義韋昭云牡剛也荆強按用牡荆指伐國取其剛為稱

故畫此旗指之

而五利將軍使不敢入海之泰山祠上使人

微隨驗實無所見五利妄言見其師其方盡多不讐

上乃誅五利

正義漢武故事云東方朔言藥大無狀上發怒乃斬之

其冬公孫

卿候神河南見僊人跡緱氏城上有物若雉往來城

上天子親幸緱氏城視跡問卿得無效文成五利乎

卿曰僊者非有求人主人主求之其道非少寬假神

不來言神事事如迂誕

正義迂音于誕音但迂遠也誕大也

積以歲乃

可致於是郡國各除道繕治宮觀名山神祠所以望

幸矣其年既滅南越上有嬖臣李延年以好音見上

善之下公卿議曰民間祠尚有鼓舞之樂今郊祠而

無樂豈稱乎公卿曰古者祀天地皆有樂而神祇可

得而禮或曰泰帝使素女

索隱亦謂太昊正義泰帝謂太昊伏羲氏

鼓五

十弦瑟瑟帝禁不止故破其瑟為二十五弦於是塞

南越禱祠泰一后土始用樂舞益召歌兒作二十五

弦

集解徐廣曰瑟也

及箜篌瑟自此起

集解徐廣曰應劭云武帝令樂人侯調始

造箜

篌其來年冬上議曰古者先振兵澤旅

集解徐廣曰古釋字

澤

作然後封禪乃遂北巡朔方勒兵十餘萬還祭黃帝

冢橋山澤兵須如

集解李奇曰地名也

上曰吾聞黃帝不死今

有冢何也或對曰黃帝已僊上天羣臣葬其衣冠既

至甘泉為且用事泰山

正義道書福地記云泰山高四千九百丈二尺周回二千

里先類祠泰一自得寶鼎上與公卿諸生議封禪

正義

白虎通云王者易姓而起天下太平功成封禪以告太平禪梁父之址廣厚也刻石紀號著己之功績天以高為尊地以厚為德故增泰山之高以效天禪梁父之址以報地封者附廣之禪者將以功相傳授之

封禪用希曠絕莫知其儀禮而羣儒采封禪尚書周

官王制之望祀射牛事

集解蘇林曰當祭廟射其牲以除不祥瓚曰射牛示親殺

也索隱天子射牛示親殺也事見國語

齊人丁公年九十餘曰封者合

不死之名也秦皇帝不得上封陛下必欲上稍上即

無風雨遂上封矣上於是乃令諸儒習射牛草封禪

儀

索隱見應劭漢官儀也

數年至且行天子既聞公孫卿及方

士之言黃帝以上封禪皆致怪物與神通欲放黃帝

以嘗接神僊人蓬萊士高世比德於九皇

集解張晏曰三皇之

前有人皇九首章昭曰上古人皇者九人也

而頗采儒術以文之羣儒既

以不能辯明封禪事又牽拘於詩書古文而不敢騁

上為封祠器示羣儒羣儒或曰不與古同徐偃又曰

太常諸生行禮不如魯善周霸屬圖封事

集解服虔曰屬會也

會諸儒圖封事

於是上絀偃霸盡罷諸儒弗用三月遂東幸

緱氏禮登中嶽

集解文穎曰崧高山也在潁川陽城縣

太室

集解韋昭曰崧高山

有太室少室之山山有石室故以名之

從官在山下聞若有言萬歲云

正義漢儀注云有稱萬歲可十萬人聲

問上上不言問下下不言於是

以三百戶封太室奉祠命曰崇高邑

正義顏師古云以崇奉崧高山

故謂之崇高也

東上泰山山之草木葉未生乃令人上石立

之泰山巔上遂東巡海上行禮祠八神

集解文穎曰武帝登泰山

祭太一并祭名山於泰壇西南開除八通鬼道故言
八神也一曰八方之神索隱韋昭云八神謂天地陰
陽日月星辰主四時之屬今按郊祀志一曰天主祠
天齊二曰地主祠太山梁父三曰兵主祠蚩尤四曰
陰主祠三山五曰陽主祠之罘六曰月主祠之
萊山七曰日主祠成山八曰四時主祠琅邪 齊人

之上疏言神怪奇方者以萬數然無驗者乃益發船

令言海中神山者數千人求蓬萊神人公孫卿持節

常先行候名山至東萊言夜見一人長數丈就之則

不見見其跡甚大類禽獸云羣臣有言見一老父牽

狗言吾欲見巨公

集解駟按漢書音義曰巨公謂武帝已忽不見上既

見大跡未信及羣臣有言老父則大以為僊人也宿
留海上與方士傳車及間使求僊人以千數四月還
至奉高上念諸儒及方士言封禪人人殊不經難施
行天子至梁父禮祠地主乙卯令侍中儒者皮弁薦
紳射牛行事封泰山下東方如郊祠泰一之禮封廣
丈二尺高九尺其下則有玉牒書書秘禮畢天子獨
與侍中奉車子侯集解駟案漢書百官表曰奉車都尉掌乘輿車武帝初置韋昭曰子侯霍去病之子也上泰山亦有封其事皆禁明日下陰道丙

辰禪泰山下趾東北肅然山如祭后土禮天子皆親

拜見衣上黃而盡用樂焉江淮間一茅三脊

集解孟康曰所

謂靈茅也

為神籍五色土益雜封縱遠方奇獸蜚禽及白

雉諸物頗以加祠咒旄牛犀象之屬弗用皆至泰山

然後去封禪祠其夜若有光晝有白雲起封中天子

從封禪還坐明堂

集解漢書音義曰天子初封泰山東北趾古時有明堂處則此所

坐者明年秋乃作明堂

羣臣更上壽於是制詔御史朕以眇眇

之身承至尊兢兢焉懼弗任維德菲薄不明于禮樂

脩祀泰一若有象景光屑如有望

集解瓚曰聞依依呼萬歲者三

震於怪物欲止不敢遂登封泰山至於梁父而后禪

肅然

集解服虔曰肅然山名在梁父

自新嘉與士大夫更始賜民百

戶牛一酒十石加年八十孤寡布帛二匹復博奉高

蛇丘

集解鄭玄曰蛇音移

歷城毋出今年租稅其赦天下如乙

卯赦令行所過毋有復作事在二年前皆勿聽治又

下詔曰古者天子五載一巡狩用事泰山諸侯有朝

宿地其令諸侯各治邸泰山下

正義諸侯各於泰山朝宿地起第擬天

子用事泰山而居止

天子既已封禪泰山既無風雨菑而方士

更言蓬萊諸神山若將可得於是上欣然庶幾遇之

乃復東至海上望冀遇蓬萊焉奉車子侯暴病一日

死上乃遂去並海上北至碣石巡自遼西歷北邊至

九原五月返至甘泉

集解駟案漢書音義曰周萬八千里也

有司言寶

鼎出為元鼎以今年為元封元年其秋有星茀于東

井

集解韋昭曰秦分野也後衛太子兵亂茀音佩

後十餘日有星茀于三能

集解韋昭曰三能三公後連坐誅之

望氣王朔言候獨見其星出如瓠

索隱郊祀志填星出如瓠故顏師古以德星即鎮星
今按此紀惟止言德星則德星歲星也歲星所在有
福故曰食頃復入焉有司言曰陛下建漢家封禪天
德星

其報德星云其來年冬郊雍五帝還拜祝祠泰一贊

饗曰德星昭衍厥維休祥壽星仍出

索隱壽星南極老人星也見則

天下理安故言之也

淵耀光明信星昭見

索隱信星鎮星也信屬土土曰鎮星漢志

為得

皇帝敬拜泰

集解徐廣曰一無此字

祝之饗其春公孫卿

言見神人東萊山若云見天子天子於是幸緱氏城

拜卿為中大夫遂至東萊宿留之

索隱音秀溜宿留遲待之意若依字

讀則言宿而留亦
是有所待並通

數日毋所見見大人跡復遣方士

求神怪采芝藥以千數是歲旱於是天子既出毋名

乃禱萬里沙

集解應劭曰萬里沙神祠也在東萊曲城孟康曰沙徑三百餘里

過祠

泰山

集解鄧展曰泰山自東復有小泰山瓚曰即今之泰山

還至瓠子

集解服虔曰瓠

子堤名蘇林曰在甄城以南濮陽以北廣百步深五丈許瓚曰所決河名

自臨塞決河

索隱

按河渠書武帝自臨塞決河將軍以下皆負薪填之

留二日沈祠而去

索隱按沈白馬

祭河決於是作瓠子歌見河渠書

使二卿將卒塞決河河徙二渠復

禹之故跡焉是時既滅南越越人勇之

集解韋昭曰越地人名也

乃言越人俗信鬼而其祠皆見鬼數有效昔東甌王

敬鬼壽至百六十歲後世謾怠故衰耗乃立越巫立

越祝祠安臺無壇亦祠天神上帝百鬼而以雞卜

集解

駟案漢書音義曰持雞骨卜如鼠卜正義雞卜法用雞一狗一生祝願訖即殺雞狗煮熟又祭獨取雞两眼骨上自有孔裂似人物形則吉不足則凶今嶺南猶行此法也 上信之越祠雞卜

始用焉公孫卿曰僊人可見而上往常遽以故不見

今陛下可為觀如緱氏城

集解韋昭曰如猶比也

置脯棗神人

宜可致且僊人好樓居於是上令長安則作蜚廉桂

觀

集解應劭曰飛廉神禽能致風氣晉灼曰甘泉則身如鹿頭如雀有角而蛇尾文如豹文也

甘泉則

作益延壽觀使卿持節設具而候神人乃作通天臺

集解徐廣曰在甘泉索隱漢書作通天臺於甘泉宮按漢書舊儀臺高五十丈去長安二百里望見長安

城置祠具其下將招來神僊之屬於是甘泉更置前

殿始廣諸宮室

索隱姚氏案揚雄云甘泉本因秦離宮既奢秦武帝復增通天高光迎風

宮外近則有洪厓旁皇儲胥弩陸遠則有石闕封巖枝鵲露寒棠梨師得遊觀屈奇瑰偉又有高華溫德

法相曾成宮白虎走狗天梯瑤臺仙人弩思觀皆壯麗也

夏有芝生殿防內中

集解

徐廣曰元封二年也索隱按生芝九莖作芝房歌

天子為塞河興通天臺若

有光云

集解李奇曰為此作事而有光應璦曰作通天臺也

乃下詔曰甘泉防

生芝九莖

集解應劭曰芝芝草也其葉相連如淳曰瑞應圖云王者敬事耆老不失舊故則芝

生赦天下毋有復作其明年伐朝鮮夏旱公孫卿曰

黃帝時封則天旱乾封

正義乾音干顏師古云三歲不雨暴所封之土令乾三

年上乃下詔曰天旱意乾封乎

集解蘇林曰天旱欲使封土乾燥如淳曰

但祭不立尸為乾封

其令天下尊祠靈星焉

正義靈星即龍星也張晏云龍星左

角曰天田則農祥也見而祭之

其明年上郊雍通回中道巡之

集解徐廣

曰在扶風汧縣春至鳴澤

集解服虔曰鳴澤澤名也在涿郡道縣北界

從西河歸

其明年冬上巡南郡

集解徐廣曰元封五年也

至江陵而東登禮

潛之天柱山號曰南嶽

集解應劭曰潛縣屬廬江南嶽霍山也文穎曰天柱山在

潛縣南有祠

浮江自尋陽出樅陽

集解駟案地理志廬江有樅陽縣

過彭

蠡祀其名山川北至琅邪並海上四月中至奉高脩

封焉初天子封泰山泰山東北陟古時有明堂處處

險不敞上欲治明堂奉高旁未曉其制度濟南人公

玉帶上黃帝時明堂圖

索隱玉或音肅公玉姓帶名姚氏按風俗通齊湣王臣有

公玉冉其後也音語錄反三輔決錄云杜陵有玉氏音肅說文以為從玉音畜牧之畜今讀公玉與決錄

音同然二姓單複有異單姓者音肅後漢司徒王況是其後也明堂圖中有一殿四

面無壁以茅蓋通水圜宮垣為複道上有樓從西南

入命曰昆侖

索隱玉帶明堂圖中為複道有樓從西南入名其道曰崑崙言其似崑崙山之

五城十二樓故名之也

天子從之入以拜祠上帝焉於是上令

奉高作明堂汶上

集解徐廣曰在元封二年秋

如帶圖及五年脩

封則祠泰一五帝於明堂上坐令高皇帝祠坐對之

祠后土於下房以二十太牢天子從崑崙道入始拜

明堂如郊禮禮畢燎堂下而上又上泰山有祕祠其

顛而泰山下祠五帝各如其方黃帝并赤帝而有司

侍祠焉泰山上舉火下悉應之其後二歲十一月甲

子朔旦冬至推歷者以本統天子親至泰山以十一

月甲子朔旦冬至日祠上帝明堂每修封禪其贊饗

曰天增授皇帝泰元神策

索隱按贊饗之辭言天授皇帝泰元神策周而復始

又按黃帝得寶鼎神策則泰元者古昔上皇周而復創歷之號故此云泰元神策者周而復始也

始皇帝敬拜泰一東至海上考入海及方士求神者

莫驗然益遣冀遇之十一月乙酉

集解徐廣曰栢梁二十二日也

裁十二月甲午朔上親禪高里

集解伏儼曰山名在秦山下

祠后

土臨渤海將以望祠蓬萊之屬冀至殊庭焉

集解駉案漢書

音義曰蓬萊庭索隱冀漢書作幾幾近也冀望也並通服虔曰蓬萊中僊人殊庭者異也言入僊人異域

也上還以栢梁裁故朝受計甘泉

正義顧脣云栢梁被燒故受計獻之

物於甘泉也顏師古曰受郡國計簿也

公孫卿曰黃帝就青靈臺十二

日燒

集解徐廣曰日一作月

黃帝乃治明庭明庭甘泉也方士

多言古帝王有都甘泉者其後天子又朝諸侯甘泉

甘泉作諸侯邸勇之乃曰越俗有火裁復起屋必以

大用勝服之於是作建章宮

正義括地志云建章宮在雍州長安縣西二十

里長安故城西

度為千門萬戶前殿度高未央其東則鳳闕

高二十餘丈

索隱三輔黃圖曰武帝營建章起鳳闕高二十五丈闕中記一名別風闕以言

別四方之風西京賦曰闕闔之內別風嶠嶠是也三輔故事云北有園闕高二十丈上有銅鳳皇故曰鳳

闕也其西則唐中數十里虎園

索隱如淳曰詩云中唐有甃鄭玄云唐堂庭也

爾雅以廟中路謂之唐西京賦曰前開唐中彌望廣

豫也正義園其遠反括地志云虎園今在長安城中

西偏也其北治大池漸臺正義顏師古云漸浸也臺在

莽死此臺也

高二十餘丈名曰泰液

正義臣瓚云泰液言象陰陽津液以作池

也池中有蓬萊方丈瀛洲壺梁象海中神山龜魚之

屬

索隱三輔故事云殿北海池北岸有石魚長二丈廣五尺西岸有石龜二枚各長六尺

其南

有玉堂璧門大鳥之屬

索隱漢武故事玉堂基與未央前殿等去地十二丈

乃

立神明臺

索隱漢宮闕疏云臺高五十丈上有九室常置九天道士百人

井幹樓度

五十餘丈輦道相屬焉

索隱關中記宮北有井幹臺高五十丈積木為樓言築累

萬木轉相交架如井幹司馬彪注莊子云井幹井欄也又崔譔云井以四邊為幹猶築塙之有楨幹又諸

本多作幹一本作榦音說文云榦井橋

夏漢改厯以正月為歲首而色

尚黃官名

集解徐廣曰一無名字

更印章以五字

集解張晏曰漢據土德土

數五故用五為印文也若丞相曰丞相之印章諸卿及守相印文不足五字者以之足也因為太

初元年是歲西伐大宛蝗大起丁夫人

集解韋昭曰丁姓夫人名

雒陽虞初等以方祠詛匈奴大宛焉其明年有司言

雍五峙無牢熟具芬芳不備乃命祠官進峙犢牢具

五色食所勝

集解孟康曰若火勝金則祠赤帝以白牡

而以木耦馬代駒

馬

索隱一音偶孟康云寓寄龍形於木又姚氏云寓假也以言假木龍馬一駒非寄寓龍馬形於木也

獨五帝用駒行親郊用駒及諸名山川用駒者悉以

木耦馬代行過乃用駒他禮如故其明年東巡海上

考神仙之屬未有驗者方士有言黃帝時為五城十

二樓

集解應劭曰崑崙縣圖五城十二樓仙人之所常居也

以候神人於執期

集解駢案漢書音義曰執期地名也

命曰迎年

正義顏師古云迎年若言祈年

上許作

之如方明年上親禮祠上帝衣上黃焉公玉帶曰黃

帝時雖封泰山然風后封鉅

集解應劭曰封鉅黃帝師

岐伯

正義張揖

云岐伯黃帝太醫

令黃帝封東泰山禪凡山

集解徐廣曰在琅邪朱虛縣汶

水所出凡山亦在朱虛

合符然後不死焉天子既令設祠具至

東泰山東泰山卑小不稱其聲乃令祠官禮之而不

封禪焉其後令帶奉祠候神物夏遂還泰山修五年之禮如前而加禪祠石閣石閣者在泰山下趾南方方士多言此僊人之閭也故上親禪焉其後五年復

至泰山修封

集解徐廣曰天漢三年李陵以天漢二年敗也

還過祭常山今

天子所興祠泰一后土三年親郊祠建漢家封禪五年一修封薄忌泰一及三一冥羊馬行赤星五寬舒

之祠官

集解李奇曰祀名也索隱赤星即上靈星祠靈星龍左角赤故曰赤星五者太一也三一

也冥羊也馬行也赤星也以歲時致禮凡六祠索隱凡五並令祠官寬舒領之

之外有正太一后
土祠故云六也

皆太祝領之至如八神諸神明年

凡山他名祠行過則祀去則已方士所興祠各自主

其人終則已祠官弗主他祠皆如其故今上封禪其

後十二歲而還徧於五嶽四瀆矣而方士之候祠神

人入海求蓬萊終無有驗而公孫卿之候神者猶以

大人跡為解無其效天子益怠厭方士之怪迂語矣

然終羈縻弗絕冀遇其真自此之後方士言祠神者

彌衆然其效可睹矣

集解徐廣曰猶今人云其事已可知矣皆不信之耳

太史公曰余從巡祭天地諸神名山川而封禪焉入
壽宮侍祠神語究觀方士祠官之言於是退而論次
自古以來用事於鬼神者具見其表裏後有君子得
以覽焉至若俎豆珪幣之詳獻酬之禮則有司存焉

索隱述贊曰孝武纂極四海承平志尚奢麗尤敬神
明壇開八道接通五城朝親五利夕拜文成祭非祀
典巡乖卜征登嵩勒岱望景傳聲迎年祀日改厯定
正疲耗中土事彼邊兵日不暇給人無聊生俯觀羸
政幾欲
齊衡

史記卷十二

史記卷十二考證

孝武本紀○魏書王肅傳云武帝聞其述史記取孝景及己本紀覽之於是大怒削而投之於今此兩紀有錄無書衛宏漢舊儀注云太史公作景帝本紀極言其短及武帝過武帝怒而削去後坐舉李陵降匈奴故下太史公蠶室有怨言下獄死此紀乃元成間褚先生取班書補之

臣照

按漢書司馬遷傳云十篇

缺有錄無書張晏曰遷沒之後亡景紀武紀禮書樂

書兵書漢興以來將相年表日者列傳三王世家龜策列傳傳靳列傳元成之間褚先生補缺作武帝紀三王世家龜策日者傳言辭鄙陋非遷本意也而顏師古則云序日本無兵書張晏云亡失此說非也信矣顧張晏所稱褚先生補書惟一紀一世家二傳而餘六篇並未著為誰氏所補又六篇中兵書既屬本無則止九篇與班固所云十篇缺者又不符合然則其五篇之果缺與否并亦難信也今擇其如孝武本

紀等灼然無疑者則低一行刻以別之餘並存疑子
曰吾猶及史之闕文也古人疑以傳疑其為功後世
豈淺耶今不聽史記之闕而補之魚目明珠混不可
辨亦可惜已顧班固作史時十篇雖亡而或後人得
之若河內女子舜典二十八字之類亦屬事之所有
或今之所缺轉不至十篇之多惜載籍闕如不可得
而考也至若孝武本紀更與餘篇不同自叙目內並
不云孝武本紀也遷死於武帝之前安得有孝武之

稱目云作今上本紀夫既曰今上本紀則自當有目
無書且遷作本紀自黃帝以至武帝則自當無書而
有其目班固云十篇缺並不載何十篇缺則固意數
今上本紀與否尚未可知後人奮起補之補之而又
全錄封禪書以為孝武本紀愚陋妄謬極矣恐褚先
生亦不至於此張晏所謂褚先生補者亦臆說也至
遷傳云遷死後其書稍出宣帝時遷外孫楊惲祖述
其書遂宣布焉乃魏書王肅傳謂武帝聞其述史記

取孝景及己本紀覽之大怒削而投之於今此兩紀有錄無書誠齊東之語矣又遷腐刑後為中書令尊寵任事故人任安責其不能薦天下豪俊遷報書云云具載本傳書云僕誠已著此書藏之名山傳之其人通邑大都則償僕前辱之失雖萬被戮豈有悔哉是遷被腐刑久而書尚未成也乃衛宏漢舊儀注云太史公作景紀極言其短及武帝過武帝怒而削去後坐舉李陵陵降匈奴故下蠶室是書成於赦李陵

之前何其謬哉且馬遷本傳但云遷死其書稍出並不言其下獄死而衛宏又以為武帝以遷有怨言下獄死皆所為無稽之談也

少君者故深澤侯入以主方集解徐廣曰進納於天子而主方一云侯人主方駟案如淳曰侯家人主方藥者也○臣世駿按封禪書作深澤侯舍人此明脫舍人二字徐裴紛紛持疑未相覈對耳

而使黃鍾史寬舒受其方集解韋昭曰人姓名駟案漢

書音義曰二人皆方士○臣召南按始皇紀云過黃

腫注云地理志東萊有黃縣腫縣恐史寬舒蓋黃腫
間人鍾與腫字體小異或傳寫各別只是地名非別
有黃鍾其人也年表有鍾侯索隱曰縣屬東萊字亦
從金不從月

神君最貴者大夫○封禪書言最貴者太一此作大夫
疑傳寫之誤

得四金印佩天士將軍地士將軍大通將軍天道將軍

印○臣照按封禪書無天道將軍四字此有之疑天道即大通傳寫之誤後人不知妄加以此為四金印耳其實合五利將軍為四也下文云天若遺朕士而大通焉即天士地士大通之解也下天道將軍則刻玉立白茅上受之

上帝鬼神集解服虔曰以祭祀上帝或曰嘗烹酌也○或曰嘗烹酌也六字宜在前徐廣曰皆嘗以烹牲牢而祭祀也下錯簡在此

宋之社亡正義覆上棧下使通天地陰陽之氣○通上宜有不字

於是甘泉更置前殿始廣諸宮室索隱姚氏按揚雄云○云字宜作傳下乃班固漢書之文非甘泉賦中語也

芝生殿防內中○臣照按隸辨曰校官碑董竝字公防按即防字唐公房碑君字公防房亦作防隸釋云隸法房字其戶皆在側故人多不曉或作防或作昉皆

誤也據此則今本史記武帝紀芝生殿內防中漢書
溝洫志築宮其上名曰宣防皆防字傳寫之誤內中
二字必有一衍或曰按爾雅防即今屏風防若是屏
風諸儒必有注解今無之知防為房之訛也

史記卷十二考證

欽定四庫全書要卷三千五百九十一

史記卷十三

漢

太

史

分司馬遷

撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

三代世表第一

索隱應劭云表者錄其事而見之按禮有表記而鄭玄云表明也謂事微而不著須表明也故

言表正義言代者以五帝久古傳記少見夏殷以來乃有尚書略有年月比於五帝事迹易明故舉三代為首表表者明也明言事儀

太史公曰五帝三代之記尚矣

索隱按此表依帝繫及系本其實叙五帝三代

而篇唯名三代系表者以三代代系長遠宜以名篇且三代皆出自五帝故叙三代要從五帝而起首也劉氏云尚猶久古也尚矣之文元自殷以前諸侯不可得而出大戴禮彼云黃帝尚矣

譜

正義譜布也列其事也

周以來乃頗可著孔子因史文次春秋

紀元年正時日月蓋其詳哉至於序尚書則略無年月

或頗有然多闕不可錄故疑則傳疑蓋其慎也余讀諫

索隱傳音雖隱者記系謠之書也記黃帝以來皆有年

數稽其歷譜牒終始五德之傳

以金木水火土之五德

傳次相承終而後始故

古文咸不同乖異夫子之弗論

次其年月豈虛哉於是以五帝繫譜尚書集世紀黃帝

以來訖共和為世表

索隱按大戴禮有五帝德及帝繫篇蓋太史公取此二篇之譜及尚

書集而紀黃帝以來為系表也厲王奔彘周召二公共相王室故曰共和皇甫謐云共伯和干王位則以共國伯爵和其名也干王位言象也

與史遷之說不同蓋異說耳

帝王世

國號

顓頊屬 佶屬 堯屬 舜屬 夏屬 殷屬 周屬

黃帝

三世號有熊

黃帝生黃帝生黃帝生黃帝生黃帝生黃帝生黃帝生黃帝生
昌意玄囂昌意玄囂昌意玄囂昌意玄囂昌意玄囂昌意玄囂

四神

女
罵

玄囂

昌意

唱

玄器

玄覽

帝顓頊

昌意生玄囂生玄囂生昌意生昌意生玄囂生玄囂生
顓頊為螭極螭極顓頊顓頊顓頊顓頊顓頊顓頊顓頊
高陽氏顓頊窮顓頊極生高極生高

顓頊

矯極

矯極

額項

額頊

蟠極

蟠極

高陽

項生

極生

極生

蟬

卒

辛

黃帝孫
起黃帝
至顓頊
三世

索隱系本

作窮係宋

忠云窮條

論也

帝 佶

黃帝曾

孫起黃

帝至帝

佶四世

號高辛

帝 堯

起黃帝

至佶子

五世號

唐

帝 舜

黃帝玄

螭極生

高辛為

帝 佶

索隱黃帝

曾孫

螭極生

高辛高

辛生放

勛

窮蟬生

敬康敬

康生句

望

放勛為

堯

句望生

螭牛螭

牛生瞽

叟

瞽叟生

重華是

為帝舜

高辛生

高

高

高

高

高

高

高

高

高

高

高

高

高

高

高

高

高辛生

后稷為

周祖

周祖

周祖

周祖

周祖

周祖

周祖

周祖

周祖

周祖

周祖

周祖

周祖

周祖

周祖

孫之玄
孫號虞

帝禹

黃帝耳
孫號夏

帝啓

伐有扈
作甘誓

索隱漢書

顓頊五代

而生鯀此

及帝系皆

云顓頊生

鯀是古文

闕其代系

也

文命是昭明生

為禹相土

鞠生公劉

相土生

昌若

公劉生慶節

帝太康

帝仲康

太康弟

帝相

帝少康

昌若生慶節生
曹圉曹皇僕皇
圉生冥僕生差

冥生振

弗

差弗生

毀淪毀
淪生公

非

振生微

公非生

丁微生報

高圉高

圉生亞

報丁生

亞圉生

報乙報

公祖類

乙生報

丙

帝予

索隱直呂

反亦作宇

正義相為

過流所滅

后紹歸有

仍生少康

其子予復

禹結

帝槐

索隱音回

一音懷系

本作芬

帝芒

索隱音亡

一作荒

報丙生公祖類
主壬主生太王
壬生主亶父
癸

主癸生亶父生
天乙是季歷季
為殷湯歷生文
從湯至黃王昌益
帝十七世易卦

文王昌
生武王
發

帝泄

索隱音薛

帝不降

帝局

不降弟索隱古熒反

帝廩

索隱其靳反又音勤

帝孔甲

不降子好鬼神淫亂不好德二龍去

帝皐

索隱宋忠云墓在嶺南陵

帝發

索隱帝皐子也系本云帝皐生發及履癸履癸一名桀

帝履癸

是為桀

從禹至桀十七世從黃帝至桀二十世

殷湯代夏氏

從黃帝至湯十七世

帝外丙

湯太子太丁蚤卒故立次弟外丙

帝仲壬

外丙弟

帝太甲

故太子太丁子淫伊尹放之桐宮三年悔過自責伊尹乃迎之復位

帝沃丁

伊尹卒

帝太庚

沃丁弟

帝小甲

太庚弟殷道衰諸侯或不至索隱殷本紀及系本皆云小甲太庚子

帝雍己

弟小甲

帝太戊

雍己弟以桑穀生稱中宗

帝中丁

帝外壬

弟中丁

帝河亶甲

弟外壬

帝祖乙

帝祖辛

帝沃甲

祖辛弟索隱系本作開甲

帝祖丁

子祖辛

帝南庚

子沃甲

帝陽甲

子祖丁

帝盤庚

陽甲弟
徙河南

帝小辛

弟盤庚

帝小乙

弟小辛

帝武丁

雉升鼎耳
雖得傳說稱高宗

帝祖庚

帝甲

祖庚弟淫集解徐廣曰一云淫德殷衰

帝廩辛

索隱或作馮辛系本作祖辛誤也按上祖乙己生祖辛故知非也

帝庚丁

廩辛弟殷徙河北

帝武乙

慢神震死

帝太丁

帝乙

殷益衰

帝辛

是為紂弑

從湯至紂二十九世從黃帝至紂四十六世

周武王伐殷

從黃帝至武王十九世

魯齊晉秦楚宋衛陳蔡曹燕

成王誦

周公旦
太公尚
唐叔虞
惡來助紂
熊繹父
微子啟
康叔封
胡公滿
叔度
叔振鐸
召公奭

索隱本或作庸非

父飛廉有力

初封武王弟
初封文王武王子
初封紂庶弟
初封武王弟
初封紂之弟
初封武王弟
初封武王弟
初封周同姓

康王釗

魯公伯禽
丁公呂伋
晉侯燹
女防
熊父
微仲啓弟
康伯申公
蔡仲
九世至惠侯

刑錯四十餘年

索隱克堯反又音昭

索隱康叔子王孫年父也

昭王瑕

南巡不返不赴

諱之索隱音遐

宋忠云昭王南

伐楚辛由靡為

左涉漢中流而

隕由靡承王遂

卒不復周乃侯

其後于西翟也

穆王滿

作甫刑荒服不

至

考公

乙公

武侯

旁皐

熊黹

宋公

考伯

相公

蔡伯

太伯

索隱

吐感

反又

徒感

反又

杜滅

反鄒

氏又

作點

音

熊勝

丁公

嗣伯

孝公

宮侯

仲君

煬公

癸公

成侯

大几

考公

恭王伊扈

幽公

哀公厲侯

大駱

熊煬

湑公弟丁公

夷伯索隱音捷

慎公

厲侯

宮伯

懿王堅

魏公

胡公

靖侯

非子初封

熊渠

煬公弟湑公

靖伯

幽公

武侯

孝伯

刺周道衰詩人作

索隱系本作微公名弗甚

孝王辟方

厲公

獻公弑胡公

秦侯

熊無康

厲公

貞伯

夷伯

共王弟

夷王燹懿王子

獻公厲公弟

武公

公伯

熊鶩紅

頃侯

厲王胡

真公

秦仲
熊延
紅弟

釐侯

以惡聞遇亂出
奔遂死于彘

共和

武公
真公
弟

熊勇

二伯行政

張夫子問褚先生曰

索隱褚先生名少孫元成
間為博士張夫子未詳

詩言

契后稷皆無父而生今按諸傳記咸言有父父皆黃

帝子也

索隱按上契及后稷皆帝嚳子此云黃帝子
者謂是黃帝之子孫耳按嚳是黃帝曾孫而

契棄是得無與詩謬乎褚先生曰不然詩言契生於
元孫也

卵后稷人迹者欲見其有天命精誠之意耳鬼神不

能自成須人而生柰何無父而生乎一言有父一言

無父信以傳信疑以傳疑故兩言之堯知契稷皆賢

人天之所生故封之契七十里後十餘世至湯王天

下堯知后稷子孫之後王也故益封之百里其後世

且千歲至文王而有天下詩傳曰湯之先為契無父

而生契母與姊妹浴於玄丘水有燕銜卵墮之契母

得故含之誤吞之即生契

索隱按史所引出詩緯故曰詩傳殷本紀云玄鳥翔

水遺卵娥簡狄取而吞之

契生而賢堯立為司徒姓之曰子氏子

者茲茲益大也詩人美而頌之曰殷社

詩云土

芒芒天

命元鳥降而生商商者質殷號也文王之先為后稷

后稷亦無父而生后稷母為姜嫄

索隱有邠氏之女也韋昭云姜姓嫄

字也

出見大人蹟而履踐之知於身則生后稷姜嫄以

為無父賤而棄之道中牛羊避不踐也抱之山中

抱音

普茅反索隱抱又如字

山者養之又捐之大澤鳥覆席食之姜

嫄怪之於是知其天子乃取長之堯知其賢才立以

為大農姓之曰姬氏姬者本也詩人美而頌之曰厥
初生民深脩益成而道后稷之始也孔子曰昔者堯
命契為子氏為有湯也命后稷為姬氏為有文王也

太王命季歷明天瑞也太伯之吳遂生源也

索隱言太伯之

讓季歷居吳不反者欲使傳文王武王撥亂反正成周道遂天下生生之源本也

天命難言

非聖人莫能見舜禹契后稷皆黃帝子孫也黃帝策
天命而治天下德澤深後世故其子孫皆復立為天
子是天之報有德也人不知以為汜從布衣匹夫起

耳夫布衣匹夫安能無故而起王天下乎其有天命
然黃帝後世何王天下之久遠邪曰傳云天下之君
王為萬夫之黔首請贖民之命者帝有福萬世黃帝
是也五政明則脩禮義因天時舉兵征伐而利者王

有福千世蜀王黃帝後世也

索隱按系本蜀無姓相承云黃帝後世子孫也

且黃帝二十五子分封賜姓或於蠻夷蓋當然也蜀
王本紀云朱提有男子杜宇從天而下自稱望帝亦
蜀王也則杜姓出唐杜氏蓋陸終氏之脩亦黃帝之
後也正義譜記普云蜀之先肇於人皇之際黃帝之
子昌意娶蜀山氏女生帝嚳立封其支庶於蜀歷虞
夏商周衰先稱王者蠶叢國破子孫居姚雋等處

至今在漢西南五千里常來朝降輸獻於漢非以其
先之有德澤流後世邪行道德豈可以忽乎哉人君
王者舉而觀之漢大將軍霍子孟名光者亦黃帝後
世也

索隱按系本云霍國真姓後周武王封弟叔處於霍是姬姓亦黃帝後也

此可為博

聞遠見者言固難為淺聞者說也何以言之古諸侯
以國為姓霍者國名也武王封弟叔處於霍後世晉
獻公滅霍公後世為庶民往來居平陽平陽在河東
河東晉地分為魏國以詩言之亦可為周世周起后

稷后稷無父而生以三代世傳言之后稷有父名高

辛高辛黃帝曾孫黃帝終始傳曰

索隱蓋謂五行識緯之說若今之童

謠也漢興百有餘年有人不短不長出白燕之鄉

正義一本

作白彘按霍光平陽人平陽今晉州霍邑本秦時霍伯國漢為彘縣後漢改彘曰永安隋又改為霍邑遍檢記傳無白燕之名持天下之政時有嬰兒主

索隱謂昭

帝也卻行車

索隱言霍光持政擅權遇帝令如卻行車使不前也

霍將軍者本居

平陽白燕臣為郎時與方士考功

正義謂年老為方士最功也

會

旗亭下

西京賦曰旗亭五里薛綜曰旗亭市樓也立旗於上故取名焉

為臣言豈不

偉哉

索隱褚先生蓋腐儒也設主客引詩傳云契棄無父及據帝系皆帝譽之子是也而末引蜀王

霍光竟欲證何事而言之不經燕穢正史輒云豈不偉哉亦何誣也

索隱述贊曰高辛之脣大啟禎祥脩己吞薏石紐興王天命玄鳥簡狄生商姜嫄履跡祚流岐昌俱膺歷運互有興亡風餘周召刑措成康出彘之後諸侯日彊

史記卷十三

史記卷十三考證

三代世表

○臣德齡

按五帝時以天下為公器子賢則

傳子子不賢則更擇人故黃帝不立其子玄囂昌意而立其孫高陽高陽不立其子窮蟬而立其族子高辛高辛以長而立摯摯崩堯踐大位內外咸服略無疑阻及堯禪舜舜禪禹舉大統之傳若行所無事公天下之勢使之然也自禹底定山川咸則三壤成賦中邦勢乃不得不家天下蓋運會自然而然非禹有

所利於其間自是而大統歸於一姓禪讓不可復行
曰夏曰殷曰周遠紹五帝列為三代立隆萬世史遷
表而叙之所以作以後萬萬世有天下者之模範也
以本紀首述五帝而三代世系又皆出於黃帝故仍
自黃帝叙起而名其篇則曰三代世表司馬貞索隱
但以三代代系計論似未竟其義

周屬

差弗生毀渝○本紀渝作隄

夏

帝芒索隱音亾一作荒○監本作一作芦人今改正

殷

帝小甲索隱小甲太庚子○監本庚訛作康今改正

帝中丁○監本注云俗本作仲丁臣照按此注既非集

解亦非索隱正義不知為誰氏之語且中即仲古字

作中耳非有異義也史記內古字甚多不應獨注此

一字今刪

帝廩辛索隱或作馮辛系本作祖辛誤也按上祖乙已生祖辛故知非也○臣照按禮記云周人以諱事神是諱名之典始于周人殷未有也自廩辛以前莫不以十干為名則同名者多矣何獨疑焉雖系本作祖辛未知是否然索隱之說固非也

周

周武王伐殷○臣照按上文云殷湯代夏氏則此亦應云周武王代殷

昭王瑕索隱宋忠云昭王南伐楚辛由靡為左○本紀
由作游

楚

熊鰲紅○世家鰲作摯

殷社芒芒○秦藩本有詩云土三字注今從之臣照按

毛詩本文作宅殷土芒芒今曰殷社不得謂之芒芒
也先儒必有引詩以証其失者特此三字不知其為
集解歟索隱歟正義歟姑仍秦藩本之舊俾後世有

考凡卷內未經添明集解等陰文字者俱放此

史記卷十三考證

謹案卷十一第二頁後四行故平昌侯刊本脫平
字據年表增

第三頁後二行將廬悼惠王孫刊本脫將字又廬
漢書作閭刊本脫廬字據毛本索隱增

第五頁前八行容城侯徐廬易侯僕黜刊本廬訛
慮黜訛日據年表改

第五頁後八行亞谷侯廬佗之刊本亞訛王又隆
慮侯陳蟠刊本隆慮作龍廬陳下行留字並據

年表改

第七頁前六行更命中大夫令為衛尉刊本脫令
字注同據漢書百官公卿表增

第八頁前五行龍星左角曰天田刊本星訛在今
改

卷十二第五頁前六行春秋緯云刊本春秋緯作
國語注案此所引蒼帝靈威仰云云係春秋緯
文耀鉤文見周禮春官疏內今改正

第五頁前七行白帝白招拒刊本拒訛矩又黃帝
名神斗刊本斗訛協據五帝本紀正義及周禮
注疏改

第八頁前七行在臨淮淮浦也刊本脫一淮字據
地理志改增

第十七頁後七行餼祭酹也刊本酹訛酹據說文
改

第二十五頁後四行持雞骨卜刊本骨訛用據下

正義改

卷十三第一頁後八行余讀諫句絕觀索隱訓諫
為系謚之書甚明各本移下句記字于索隱之
上連此句讀失其解今據索隱改正

第三頁前三格螭極生高辛為帝佶各本訛作螭
極生高辛高辛生帝佶又索隱黃帝曾孫諸本
俱訛作玄孫並據本表世次改

第三頁前一格起黃帝至佶于五世號唐各本唐

下衍堯字今刪

第四頁後一格帝子據左傳國語俱作孖

第七頁前五行帝太丁名複見據竹書紀年作文
丁太字疑是文字之訛

第七頁後八格衛表康叔下脫封字今增

第七頁後五格秦表刊本誤衍初封二字據秦本

紀刪

第八頁前八格衛表考伯刊本考訛孝據王本及

世家改

第八頁後一格恭王伊扈據本紀作共王

第八頁後五格秦表非子初封刊本脫初封二字
據本紀增

第八頁後一格周表共王弟刊本共訛懿據本紀
改

第八頁後九格陳表刊本幽公下訛衍釐公二字
據陳世家及十二諸侯年表刪

第八頁後六格楚表熊無康據楚世家熊渠長子
母康蚤死未立此誤衍





總校官庶吉士臣侍朝

校對官檢討臣王鍾健

膳錄舉人臣王會燕